



Dobrodošli na najljepšu švajcarsku planinu, ovdje na „Chänzeli“

(1464 m)

Planina Rigi je kao ostrvo koje se prostire iznad švajcarskih Alpa, nudeći predivan pogled na njih. Nalazimo se na oko 1000 metara iznad Vierwaldstättersee-a. Kada je vrijeme lijepo, odavde se pruža pogled koji obuhvata polovinu Švajcarske, Schwarzwald u Njemačkoj i Vosges u Francuskoj. Poseban doživljaj su predivni zalasci sunca. Sa pojavom turizma, još prije više od 200 godina, vidikovac „Chänzeli“ postaje izuzetno popularan. Već 1871. godine je napravljen veliki plato na „Chänzeli“-iju. Provjerite predivan pogled sa „Chänzeli“-ija na internet stranici www.prorigi.ch.

Planina

Geologija: Prije oko 5 miliona godina, pod pritiskom daljnjeg pokretanja slojeva Alpi, ovdje su se izdigle prastare naslage Ur-Reuss-a (Nagelfluh). I danas se u stijenama mogu jasno vidjeti zaobljeni riječni kamenčići, takozvani konglomerat krečnjaka. Tokom ledenog doba, rijeka leda debljine od oko 1000m, odgurala je Juru, formirajući doline i jezera. Pogled na maglom prekriveno jezero omogućava da zamislimo kolike su bile ove ledene mase.

Flora: Rigi nudi oko 900 različitih vrsta cvijeća i biljaka, kao i oko 300 vrsta lišaja i oko 100 vrsta mahovina. Bogatstvo vrsta je posljedica različitih geoloških i klimatskih uslova. Južna strana ima umjerenu klimu sa manjim temperaturnim promjenama. Zaštićeni od sjevernih vjetrova, niži visinski slojevi se dodatno griju sunčevom refleksijom sa površine jezera. „Föhn“ (topao i suvi vjetar) produžava sezonu rasta. Tokom jeseni i zime viši slojevi su obično iznad magle. Pošto vrhovi Rigi-ja tokom ledenog doba nisu bili prekriveni ledom, bogata alpska flora iz tog doba sa preko 100 vrsta se ocuvala sve do danas. Region Rigi-ja poznat je po 37 autohtonih vrsta orhideja, koje se nalaze u ekološkim nišama na teško dostupnim lokacijama. Sve ovo Rigi čini izuzetno važnim regionom. To je razlog zbog čega su velike oblasti, koje pripadaju kantonima Schwyz i Luzern, zaštićene oblasti od nacionalnog značaja.

Šuma: Skoro 40% Rigi-ija je prekriveno šumom. Pojasevi šume se prostiru svuda po planini od jezera do planinskih vrhova, pokrivajući strme padine nepogodne za poljoprivredu. To doprinosi raznovrsnosti šume i njenog biljnog svijeta. Penjući se od podnožja ka Kulm-u (jedan od vrhova na Rigi-iju), na razlicitim visinama se mogu uočiti različite vrste biljnog rastinja.

PRO RIGI je udruženje sa preko 700 članova. Cilj nam je da podržimo razvoj Rigi-ija i okoline. Želimo da promoviramo i produbimo vezu između lokalnog stanovništva i posjetilaca sa prirodom i okolinom.

Glavne aktivnosti: staranje o Rigi-iju, ekskurzije u prirodu, staze cvijeća kao i učestvovanje u projektima visoke i niske gradnje na Rigi-ju.

Nadzor: Preko 40 ljudi iz kantona Luzern i Schwyz su odgovorni za nadzor i zaštitu prirode na Rigi-iju. Oni takođe mogu da daju informacije posjetiocima, da posmatraju i izvještavaju o promjenama u prirodi u domenu zaštite voda, staza za pješčenje, deponija, visoke i niske gradnje, regulacije saobraćaja i slično.

Ekskurzije: Tokom proljeća i ljeta Pro Rigi vas može uvesti u predivan svijet cvijeća na Rigi-iju. U zavisnosti od doba godine, može se organizovati lagano pješčenje živopisnim stazama u trajanju od tri sata. Biće nam zadovoljstvo da zajedno sa Vama istražimo blago ove kraljice planina.

Staza cvijeća: Vodi od Rigi Kaltbad-a preko Chänzeli-ija do Staffel-a i završava na Felsenweg-u. Tokom sezone cvjetanja, sve biljke na ovoj prelijepoj i živopisnoj stazi su označene i opisane na tablama uz put. Tokom sezone može se uočiti identifikovati preko 200 vrsta cvijeća.

Nudimo **besplatnu brošuru** o stazi cvijeća koja sadrži 67 slika sa imenima i opisima raznog cvijeća.